

ЎЗБЕКИСТОН РЕСПУБЛИКАСИ
ҚОНУН ҲУЖЖАТЛАРИ
ТЎПЛАМИ

16-сон
(100)
2004 й.
апрель

Ўзбекистон Республикаси Қонун ҳужжатлари тўплами беш бўлимдан иборат:

тўпلامнинг биринчи бўлимида Ўзбекистон Республикаси қонунлари ва Олий Мажлиснинг қарорлари эълон қилинади;

иккинчи бўлимда Ўзбекистон Республикаси Президентининг фармон ва фармойишлари эълон қилинади;

учинчи бўлимда Вазирлар Маҳкамасининг қарор ва фармойишлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

тўпلامнинг бешинчи бўлимида вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

МУНДАРИЖА

Учинчи бўлим

185. «Ўзбекистон Республикаси Вазирлар Маҳкамаси ҳузуридаги Катта ва алоҳида муҳим сув хўжалиги объектларининг техник ҳолатини ҳамда бехатар ишлашни назорат қилиш давлат инспекцияси («Давсувхўжаликназорат» инспекцияси) фаолиятини такомиллаштириш тўғрисида» Ўзбекистон Республикаси Вазирлар Маҳкамасининг 2004 йил 20 апрелдаги 186-сон қарори
186. «2004-2005 йилларда маҳаллий хом ашё негизида тайёр маҳсулотлар, бутловчи буюмлар ва материаллар ишлаб чиқаришни маҳаллийлаштириш дастури лойиҳаларини амалга ошираётган корхоналарнинг раҳбарларини ва муҳандис-техник ходимларини рағбатлантириш чора-тадбирлари тўғрисида» Ўзбекистон Республикаси Вазирлар Маҳкамасининг 2004 йил 21 апрелдаги 190-сон қарори
187. «Маҳсулотларни кимосди савдоларида сотиш механизмини такомиллаштириш тўғрисида» Ўзбекистон Республикаси Вазирлар Маҳкамасининг 2004 йил 22 апрелдаги 193-сон қарори
188. «Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита фаолиятини янада такомиллаштириш тўғрисида» Ўзбекистон Республикаси Вазирлар Маҳкамасининг 2004 йил 23 апрелдаги 196-сон қарори
189. «Қарз олувчиларнинг кредит тарихи тўғрисидаги ахборотни ҳисобга олиш ти-

зимини шакллантириш чора-тадбирлари тўғрисида» Ўзбекистон Республикаси Вазирлар Маҳкамасининг 2004 йил 23 апрелдаги 197-сон қарори

Бешинчи бўлим

190. «Аудиторлик малакавий сертификатини бериш тартиби тўғрисидаги низомга ўзгартириш ва қўшимчалар киритиш ҳақида» Ўзбекистон Республикаси Молия вазирининг 2004 йил 26 февралдаги 34-сон буйруғи. (*Ўзбекистон Республикаси Адлия вазирлиги томонидан 2004 йил 19 апрелда 977-1-сон билан давлат рўйхатидан ўтказилди*)
191. «Радиация натижасида келиб чиқиши мумкин бўлган касалликлар рўйхатини тасдиқлаш ҳақида» Ўзбекистон Республикаси Соғлиқни сақлаш вазирлиги, Меҳнат ва аҳолини ижтимоий муҳофаза қилиш вазирлигининг 2004 йил 27 февралдаги 4, 75-сон қарори. (*Ўзбекистон Республикаси Адлия вазирлиги томонидан 2004 йил 19 апрелда 1340-сон билан давлат рўйхатидан ўтказилди*)
192. «Тижорат банкларининг ички аудитига Марказий банк томонидан қўйиладиган талаблар тўғрисидаги низомга ўзгартириш ва қўшимчалар киритиш ҳақида» Ўзбекистон Республикаси Марказий банки Бошқарувининг 2004 йил 13 мартдаги 6/12-сон қарори. (*Ўзбекистон Республикаси Адлия вазирлиги томонидан 2004 йил 20 апрелда 992-1-сон билан давлат рўйхатидан ўтказилди*)
193. «Жисмоний шахслар томонидан нақд чет эл валютасини Ўзбекистон Республикасига олиб кириш ва Ўзбекистон Республикасидан олиб чиқиш тартиби тўғрисидаги йўриқномага ўзгартишлар киритиш ҳақида» Ўзбекистон Республикаси Марказий банки Бошқаруви, Давлат божхона қўмитасининг 2004 йил 24 мартдаги 126-В-3, 01-02/12-18-сон қарори. (*Ўзбекистон Республикаси Адлия вазирлиги томонидан 2004 йил 21 апрелда 716-3-сон билан давлат рўйхатидан ўтказилди*)
194. «Энергетик корхоналар учун ёнғин хавфсизлиги қоидаларини тасдиқлаш ҳақида» Ўзбекистон Республикаси электр энергетикада назорат бўйича давлат инспекцияси, Ички ишлар вазирлиги ёнғин хавфсизлиги Бош бошқармасининг 2004 йил 12 мартдаги 107, 29/9-120-сон қарори. (*Ўзбекистон Республикаси Адлия вазирлиги томонидан 2004 йил 22 апрелда 1341-сон билан давлат рўйхатидан ўтказилди*)
195. «Т-6 шаклидаги божхона декларациясини тўлдириш ва расмийлаштириш тартиби тўғрисидаги йўриқномани тасдиқлаш ҳақида» Ўзбекистон Республикаси Давлат божхона қўмитасининг 2004 йил 24 мартдаги 01-02/12-19-сон қарори. (*Ўзбекистон Республикаси Адлия вазирлиги томонидан 2004 йил 23 апрелда 1342-сон билан давлат рўйхатидан ўтказилди*)

Вазирликлар, давлат қўмиталари ва идораларининг умумий мажбурий тусдаги меъёрий ҳужжатларини давлат рўйхатидан ўтказиш ҳолати тўғрисида 2004 йил 17 апрелдан 23 апрелгача бўлган маълумот

УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

185 Ўзбекистон Республикаси Вазирлар Маҳкамаси ҳузуридаги Катта ва алоҳида муҳим сув ҳўжалиги объектларининг техник ҳолатини ҳамда бехатар ишлашини назорат қилиш давлат инспекцияси («Давсувхўжаликназорат» инспекцияси) фаолиятини такомиллаштириш тўғрисида

Ўзбекистон Республикаси Президентининг «Республика давлат бошқаруви органлари тизимини такомиллаштириш тўғрисида» 2003 йил 9 декабрдаги ПФ–3358-сон Фармонига мувофиқ, шунингдек катта ва алоҳида муҳим сув ҳўжалиги объектларининг техник ҳолати ҳамда бехатар ишлаши устидан назоратни кучайтириш мақсадида Вазирлар Маҳкамаси **қарор қилади:**

1. Қўйидагилар:

катта ва алоҳида муҳим сув ҳўжалиги объектлари техник ҳолатининг ишончлилиги ҳамда уларнинг бехатар ишлаши таъминланиши;

катта ва алоҳида муҳим сув ҳўжалиги объектлари лойиҳалаштирилиши, қурилиши, улардан фойдаланилиши, уларнинг реконструкция қилиниши ва таъмирланиши, шу жумладан лойиҳалар экспертизаси ташкил этилиши, қурилиш сифатининг ва фойдаланишга қабул қилиб олишнинг назорат қилиниши;

катта ва алоҳида муҳим сув ҳўжалиги объектларининг ишончли қўриқланиши ташкил этилиши устидан давлат назоратини амалга ошириш Ўзбекистон Республикаси Вазирлар Маҳкамаси ҳузуридаги Катта ва алоҳида муҳим сув ҳўжалиги объектларининг техник ҳолатини ҳамда бехатар ишлашини назорат қилиш давлат инспекцияси («Давсувхўжаликназорат» инспекцияси) фаолиятининг асосий вазифалари этиб белгилансин.

2. Қўйидагилар:

«Давсувхўжаликназорат» инспекциясининг ташкилий тузилмаси ва марказий аппарати тузилмаси 1 ва 2-иловаларга мувофиқ;

Ўзбекистон Республикаси Вазирлар Маҳкамаси ҳузуридаги Катта ва алоҳида муҳим сув ҳўжалиги объектларининг техник ҳолатини ҳамда бехатар ишлашини назорат қилиш давлат инспекцияси («Давсувхўжаликназорат» инспекцияси) тўғрисидаги низом 3-иловага мувофиқ тасдиқлансин.

3. «Давсувхўжаликназорат» инспекцияси марказий аппарати ходимларининг чекланган умумий сони 17 нафар, шу жумладан бошқарув ходимлари сони 12 нафар этиб белгилансин.

«Давсувхўжаликназорат» инспекцияси бошлиғига, зарурият бўлганда, ходимларнинг белгиланган чекланган умумий сони доирасида «Давсувхўжаликназорат» инспекцияси марказий аппарати тузилмасига ўзгартиришлар киритиш ҳуқуқи берилсин.

4. Қўйидагилар:

Вазирлар Маҳкамасининг «Ўзбекистон Республикаси Вазирлар Маҳкамаси ҳузуридаги Катта ва алоҳида муҳим сув ҳўжалиги объектларининг техник ҳолати-

ни ҳамда бехатар ишлашни назорат қилиш давлат инспекцияси («Давсувхўжаликназорат» инспекцияси)ни ташкил этиш ва унинг фаолияти масалалари тўғрисида» 1999 йил 30 мартдаги 143-сон қарори 1-бандининг учинчи, тўртинчи хатбоши, қарорнинг 2-банди ва қарорга 2 ва 3-иловалар;

Вазирлар Маҳкамасининг «Гидротехника иншоотларининг хавфсизлиги тўғрисида»ги Ўзбекистон Республикаси Қонунини амалга ошириш чора-тадбирлари тўғрисида» 1999 йил 16 ноябрдаги 499-сон қарорига 3-илованинг 3-банди (Ўзбекистон Республикаси ҚТ, 1999 й., 11-сон, 66-модда) ўз кучини йўқотган деб ҳисоблансин.


5. Мазкур қарорнинг бажарилишини назорат қилиш Ўзбекистон Республикасининг Бош вазири Ш.М. Мирзиёев зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 20 апрель,
186-сон

Вазирлар Маҳкамасининг
2004 йил 20 апрелдаги 186-сон қарорига
1-ИЛОВА

Ўзбекистон Республикаси Вазирлар Маҳкамаси ҳузуридаги Қатта ва алоҳида муҳим сув хўжалиги объектларининг техник ҳолатини ҳамда бехатар ишлашни назорат қилиш давлат инспекцияси («Давсувхўжаликназорат» инспекцияси)нинг ташкилий тузилмаси



Ҳудудий бўлинмалар ходимларининг чекланган сони 3 кишидан, шу жумладан бошқарув ходимлари 1 кишидан иборат.

Вазирлар Маҳкамасининг
2004 йил 20 апрелдаги 186-сон қарорига
2-ИЛОВА

**Ўзбекистон Республикаси Вазирлар Маҳкамаси ҳузуридаги
Катта ва алоҳида муҳим сув хўжалиги объектларининг техник
ҳолатини ҳамда бехатар ишлашини назорат қилиш давлат
инспекцияси («Давсувхўжаликназорат» инспекцияси) марказий
аппаратининг тузилмаси**



Марказий аппарат ходимларининг чекланган умумий сони — 17 киши,
шу жумладан бош қарув ходимлари — 12 киши.

Вазирлар Маҳкамасининг
2004 йил 20 апрелдаги 186-сон қарорига
3-ИЛОВА

**Ўзбекистон Республикаси Вазирлар Маҳкамаси ҳузуридаги
Катта ва алоҳида муҳим сув хўжалиги объектларининг техник
ҳолатини ҳамда бехатар ишлашни назорат қилиш давлат
инспекцияси («Давсувхўжаликназорат» инспекцияси) тўғрисида
НИЗОМ**

I. Умумий қоидалар

1. Ўзбекистон Республикаси Вазирлар Маҳкамаси ҳузуридаги Катта ва алоҳида муҳим сув хўжалиги объектларининг техник ҳолатини ҳамда бехатар ишлашни назорат қилиш давлат инспекцияси (кейинги ўринларда «Давсувхўжаликназорат» инспекцияси деб аталади) гидротехника иншоотлари хавфсизлиги устидан давлат назорати соҳасидаги махсус ваколатли давлат бошқарув органи ҳисобланади.

«Давсувхўжаликназорат» инспекцияси ўз фаолиятида Ўзбекистон Республикаси Вазирлар Маҳкамасига ҳисоб беради.

2. «Давсувхўжаликназорат» инспекцияси тизимига маҳаллий давлат бошқарув органларидан мустақил бўлган ва бевосита «Давсувхўжаликназорат» инспекциясига ҳисоб берадиган ҳудудий инспекторлар киради.

3. «Давсувхўжаликназорат» инспекцияси ўз фаолиятида Ўзбекистон Республикаси Конституциясига ва қонунларига, Ўзбекистон Республикаси Олий Мажлисининг қарорлари ва бошқа ҳужжатларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, шунингдек мазкур Низомга амал қилади.

4. «Давсувхўжаликназорат» инспекцияси ўз фаолиятини давлат бошқарувининг бошқа органлари, ҳуқуқни муҳофаза қилиш органлари, маҳаллий давлат ҳокимияти органлари, жамоат бирлашмалари ва бошқа ташкилотлар билан ўзаро ҳамкорликда амалга оширади.

5. «Давсувхўжаликназорат» инспекцияси ва унинг ҳудудий бўлинмаларининг моддий-техник таъминоти, шунингдек «Давсувхўжаликназорат» инспекцияси тизими ходимлари меҳнатига ҳақ тўлаш «Давсувхўжаликназорат» инспекциясига ажратиладиган маблағлар доирасида давлат бюджети маблағлари ҳисобига амалга оширилади.

6. «Давсувхўжаликназорат» инспекцияси юридик шахс ҳисобланади, Ўзбекистон Республикаси Давлат герби тасвири туширилган ва ўз номи ёзилган муҳрга эга бўлади.

**II. «Давсувхўжаликназорат» инспекциясининг вазифалари
ва функциялари**

7. Қўйидагилар:

катта ва алоҳида муҳим сув хўжалиги объектлари техник ҳолатининг ишончлилиги ва уларнинг бехатар ишлаши таъминланиши;

катта ва алоҳида муҳим сув хўжалиги объектларининг лойиҳалаштирилиши, қурилиши, улардан фойдаланилиши, уларнинг реконструкция қилиниши ва таъмирланиши, шу жумладан лойиҳалар экспертизаси ташкил этилиши, қурилиш сифатининг ва фойдаланишга қабул қилиб олишнинг назорат қилиниши;

катта ва алоҳида муҳим сув хўжалиги объектларининг ишончли қўриқланиши ташкил этилиши устидан давлат назоратини амалга ошириш «Давсувхўжаликназорат» инспекциясининг асосий вазифалари ҳисобланади.

8. «Давсувхўжаликназорат» инспекцияси ўзига юкланган вазифаларнинг бажарилиши учун қуйидаги функцияларни амалга оширади:

тегишли вазирликлар ва идоралар билан биргаликда капиталлиги I, II, III класс бўлган гидротехника иншоотларининг техник ҳолати ҳамда беҳатар ишлаши билан боғлиқ ҳодисаларнинг олдини олишга доир таклифларни ишлаб чиқади;

манфаатдор вазирликлар ва идоралар билан биргаликда гидротехника иншоотлари техник ҳолатининг ишончилигини ҳамда беҳатар ишлашини экспертизадан ўтказди;

гидротехника иншоотларининг техник ва хавфсизлик ҳолатининг ишончилиги билан боғлиқ идоралараро ва давлатлараро комиссиялар ишида қатнашади;

гидротехника иншоотларининг хавфсизлик қоидалари ва мезонлари ишлаб чиқиши ва тасдиқланишини ташкил этади;

гидротехника иншоотларини жойлаштиришда, гидротехника иншоотларини лойиҳалаш учун топшириқларни келишишда, уларни қуриш ва реконструкция қилиш лойиҳаларини келишишда, гидротехника иншоотларини қуриш сифатини назорат қилишда, уларни фойдаланишга қабул қилишда, шунингдек гидротехника иншоотларидан фойдаланиш қоидаларини келишишда қатнашади;

хўжалик фаолиятини ёки бошқа фаолиятни амалга ошириш учун гидротехника иншоотлари ҳудудлари, дарёлар ўзанлари ва уларга туташ тўғоннинг қуйи ва юқори ҳудудларидан (сув муҳофазаси зоналарида ер участкалари бериш бундан мустасно) фойдаланишни келишади;

гидротехника иншоотларининг хавфсизлиги соҳасида норматив-ҳуқуқий ҳужжатлар лойиҳаларини ишлаб чиқишда қатнашади;

гидротехника иншоотларининг ҳолатини ва улар ҳолатининг хавфсизлик декларацияларига мувофиқлигини текширишни ташкил этади;

гидротехника иншоотларининг хавфсизлик декларацияларини белгиланган тартибда тасдиқлайди;

гидротехника иншоотларининг техник ҳолатини натурада қузатиш ва диагностикани амалга оширади;

гидротехника иншоотларининг кадастрини юритади;

ваколатли органларга сув муҳофазаси зоналарини, сув омборлари, дарёлар, каналлар ва коллекторларнинг қирғоқбўйи полосаларини белгилаш ишларини ташкил этишда қўмаклашади, ушбу зоналар ва полосаларга қўйиладиган талабларнинг бажарилиши устидан назоратни амалга оширади;

республиканинг тегишли вазирликлари ва идоралари билан биргаликда давлатлараро ва чегарабўйи сув хўжалиги объектларидан фойдаланиш масалаларини чегарадош давлатлар билан тартибга солишда қатнашади.

9. «Давсувхўжаликназорат» инспекцияси ўзига юкланган вазифалар ва функцияларни бевосита, шунингдек ўзига бўйсунувчи ҳудудий инспекторлар орқали ҳал қилади.

III. «Давсувхўжаликназорат» инспекциясининг ҳуқуқлари ва жавобгарлиги

10. «Давсувхўжаликназорат» инспекцияси ўзига юкланган вазифалар ва функцияларни бажариш учун қуйидаги ҳуқуқларга эга:

гидротехника иншоотларига белгиланган тартибда кириш, гидротехника иншоотларининг хавфсизлиги ва техник назоратни ташкил этиш масалаларига доир материаллар билан танишиб чиқиш;

ўз ваколати доирасида ва қонун ҳужжатларида белгиланган тартибда гидротехника иншоотларидан фойдаланилиши, уларнинг техник ва хавфсизлик ҳолати устидан назоратни амалга ошириш учун вазирликлар, идоралар, хўжалик бирлашмалари, корхоналар, муассасалар ва ташкилотлар ишини текшириш;

гидротехника иншоотлари техник ҳолатининг ишончлилиги, улардан фойдаланиш ва уларнинг хавфсизлигини таъминлаш билан боғлиқ масалалар бўйича вазирликлар ва идораларнинг, шунингдек, корхоналар ва ташкилотлар раҳбарларининг маърузаларини, ахборотларини ва хабарларини эшитиш;

тегишли вазирликлар, идоралар, корхоналар ва ташкилотлардан гидротехника иншоотлари техник ҳолатининг ишончлилиги, улардан фойдаланиш ва уларнинг хавфсизлигини таъминлаш билан боғлиқ масалалар бўйича меъёрий ҳужжатлар, тадбирлар режалари, буйруқлар, йўриқномалар, ҳужжатлар, маълумотлар ва материалларни талаб қилиш ва олиш, зарурият бўлганда, республиканинг тегишли вазирликлари ва идоралари мутахассисларини жалб қилиш;

гидротехника иншоотларининг хавфсизлигини таъминлаш тўғрисида ёзма кўрсатмалар бериш, шунингдек гидротехника иншоотлари хавфсизлиги нормалари ва қоидалари қўпол равишда бузилган ҳолларда хавфлилиги юқори бўлган объектлар жумласига кирувчи гидротехника иншоотларини лойиҳалаштириш, қуриш ва улардан фойдаланиш бўйича фаолиятни амалга ошириш учун берилган лицензияларнинг амал қилишини тўхтатиб туриш ва тўхтатиш тўғрисида таклифлар киритиш;

сув хўжалиги объектларидан фойдаланиш ёхуд дарёлар ўзанлари ва уларга туташ тўғоннинг қуйи ва юқори ҳудудларида хўжалик фаолиятини ва бошқа фаолиятни амалга ошираётган ташкилотлар фаолиятини, агар мазкур фаолият гидротехника иншоотларининг хавфсизлигига салбий таъсир кўрсатиши мумкин бўлса, белгиланган тартибда тақиқлаш ёки чеклаш.

«Давсувхўжаликназорат» инспекцияси Ўзбекистон Республикаси қонун ҳужжатларига мувофиқ бошқа ҳуқуқларга ҳам эга бўлиши мумкин.

11. «Давсувхўжаликназорат» инспекцияси ўзига юкланган вазифаларнинг самарали бажарилиши учун жавоб беради.

12. «Давсувхўжаликназорат» инспекциясининг мансабдор шахслари ва унинг ҳудудий инспекторлари ўз хизмат вазифаларини зарур даражада бажармаганликлари учун қонун ҳужжатларида белгиланган тартибда жавоб берадилар.

IV. «Давсувхўжаликназорат» инспекцияси фаолиятини ташкил этиш

13. «Давсувхўжаликназорат» инспекциясига қонун ҳужжатларида белгиланган тартибда лавозимга тайинладиган ва лавозимдан озод қилинадиган бошлиқ бошчилик қилади.

«Давсувхўжаликназорат» инспекцияси ходимлари мақомига ва меҳнатга ҳақ тўлаш шартлари бўйича:

бошлиқ — вазирга;

бошқарув аппарати катта мутахассислари — вазирликларнинг мустақил бошқармаси бошлиқларига;

мутахассислар — вазирликларнинг бўлим бошлиқларига;

ҳудудий инспекторлар — вилоят ҳокимликларининг тегишли мустақил бўлимлари раҳбарларига тенглаштирилади.

14. «Давсувхўжаликназорат» инспекцияси бошлиғи:

«Давсувхўжаликназорат» инспекцияси фаолиятига якка бошчилик асосида умумий рахбарлик қилади, «Давсувхўжаликназорат» инспекциясига юкланган вазифалар ва функцияларнинг бажарилиши учун шахсан жавоб беради;

«Давсувхўжаликназорат» инспекцияси марказий аппарати тузилмасига ходимларнинг белгиланган умумий сони доирасида ўзгартиришлар киритади, штат жадвалини, шунингдек «Давсувхўжаликназорат» инспекцияси марказий аппарати харажатлари сметасини тасдиқлайди;

«Давсувхўжаликназорат» инспекцияси марказий аппарати ходимларини, худудий инспекторларни белгиланган тартибда лавозимга тайинлайди ва лавозимдан озод қилади.

Бошлиқ қонун ҳужжатларига мувофиқ бошқа ваколатларни амалга оширади.

15. «Давсувхўжаликназорат» инспекциясида йирик гидротехника ва бошқа муҳандислик иншоотларини лойиҳалаш, қуриш ва улардан фойдаланиш соҳасидаги етакчи мутахассислардан иборат Эксперт кенгаши тузилади.

«Давсувхўжаликназорат» инспекциясининг бошлиғи лавозимига кўра Эксперт кенгашининг раиси ҳисобланади. Эксперт кенгашининг шахсий таркиби Ўзбекистон Республикаси Вазирлар Маҳкамаси билан келишилади.

Эксперт кенгаши гидротехника иншоотларидан бехатар фойдаланиш ва уларнинг ишончли ишлашининг энг муҳим масалаларини кўриб чиқади, гидротехника иншоотларининг барқарор ва бехатар ишлаши учун уларни реконструкция қилиш ва қайта жихозлаш бўйича кечиктириб бўлмайдиган ишларни амалга ошириш юзасидан тавсияномалар беради.

Эксперт кенгашининг қарорлари, қоидага кўра, «Давсувхўжаликназорат» инспекцияси бошлиғининг буйруқлари билан амалга оширилади.

Эксперт кенгаши мажлисларига алоҳида вазирликлар ва идоралар, корхоналар, муассасалар ва ташкилотларнинг манфаатларига тегишли масалаларни ҳал қилиш учун уларнинг вакиллари таклиф этилади.

16. «Давсувхўжаликназорат» инспекциясининг инспекторлари гидротехника иншоотларининг техник ҳолати ва бехатар ишлаши устидан назорат ўрнатиш юзасидан жойларда ўз фаолиятини «Давсувхўжаликназорат» инспекцияси томонидан тасдиқланган тадбирларга мувофиқ амалга оширадилар.

17. «Давсувхўжаликназорат» инспекциясини қайта ташкил этиш ва тугатиш қонун ҳужжатларида белгиланган тартибда амалга оширилади.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

186 2004-2005 йилларда маҳаллий хом ашё негизда тайёр маҳсулотлар, бутловчи буюмлар ва материаллар ишлаб чиқаришни маҳаллийлаштириш дастури лойиҳаларини амалга ошираётган корхоналарнинг раҳбарларини ва муҳандис-техник ходимларини рағбатлантириш чора-тадбирлари тўғрисида

Маҳаллий хом ашё негизда тайёр маҳсулотлар, бутловчи буюмлар ва материаллар ишлаб чиқаришни маҳаллийлаштириш дастури лойиҳаларини амалга ошираётган корхоналарнинг раҳбарларини ва муҳандис-техник ходимларини рағбатлантириш мақсадида Вазирлар Маҳкамаси **қарор қилади:**

Белгилаб қўйилсинки:

Маҳаллийлаштириш дастурини амалга оширишда қатнашганлиги учун корхоналар бошқарув ходимларини ва муҳандис-техник ходимларни моддий рағбатлантириш бир марта тўланадиган мукофотлар тарзида амалга оширилади;

бир марта тўланадиган мукофотлар ҳар бир йил якунларига кўра Маҳаллийлаштириш дастурининг маҳаллийлаштириш даражаси, ишга туширилаётган қувватлар ва ишлаб чиқариш ҳажмлари бўйича корхона учун белгиланган параметрлар бажарилган тақдирда тўланади;

Ўзбекистон Республикаси Вазирлар Маҳкамасининг «2004-2005 йиллар даврида маҳаллий хом ашё негизда тайёр маҳсулотлар, бутловчи буюмлар ва материаллар ишлаб чиқаришни маҳаллийлаштириш дастурини амалга оширишга доир қўшимча чора-тадбирлар тўғрисида» 2004 йил 14 январдаги 18-сон қарорининг 5-бандига мувофиқ солиқлар ва божхона тўловларидан озод қилиш ҳисобига корхоналар ихтиёрида қоладиган пул маблағларининг бир қисми бир марта тўланадиган мукофотларни тўлаш манбаи ҳисобланади;

бир марта тўланадиган мукофотни тўлашга йўналтириладиган маблағлар (шу жумладан ҳисобланган ягона ижтимоий тўлов) солиқлар ва божхона тўловларидан озод қилиш натижасида бўшайдиган маблағлар суммасининг 15 фоизидан ошмаслиги керак.

2. 2004-2005 йилларда маҳаллий хом ашё негизда тайёр маҳсулотлар, бутловчи буюмлар ва материаллар ишлаб чиқаришни маҳаллийлаштириш дастури лойиҳаларини амалга ошираётган корхоналарнинг раҳбарларини ва муҳандис-техник ходимларини рағбатлантириш тўғрисидаги низом иловага мувофиқ тасдиқлансин.

3. Ўзбекистон Республикаси Иқтисодиёт вазирлиги Молия вазирлиги, Меҳнат ва аҳолини ижтимоий муҳофаза қилиш вазирлиги, Адлия вазирлиги, Давлат солиқ қўмитаси, бошқа манфаатдор вазирликлар ва идоралар билан биргаликда бир ой муддатда идоравий норматив-ҳуқуқий ҳужжатларга ушбу қарордан келиб чиқувчи ўзгартириш ва қўшимчалар киритсин.

4. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Ў.Т. Султонов зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 21 апрель,
190-сон

Вазирлар Маҳкамасининг
2004 йил 21 апрелдаги 190-сон қарорига
ИЛОВА

**2004-2005 йилларда маҳаллий хом ашё негизда тайёр
маҳсулотлар, бутловчи буюмлар ва материаллар ишлаб
чиқаришни маҳаллийлаштириш дастури лойиҳаларини амалга
ошираётган корхоналарнинг раҳбарларини ва муҳандис-техник
ходимларини рағбатлантириш тўғрисида
НИЗОМ**

1. Ушбу Низом 2004-2005 йиллар даврида маҳаллий хом ашё негизда тайёр маҳсулотлар, бутловчи буюмлар ва материаллар ишлаб чиқаришни маҳаллийлаштириш дастурини муваффақиятли амалга ошираётган корхоналарнинг раҳбарларини ва муҳандис-техник ходимларини рағбатлантириш тартибини белгилайди.

2. Ушбу Низомнинг амал қилиши Ўзбекистон Республикаси Вазирлар Маҳкамасининг «2004-2005 йиллар даврида маҳаллий хом ашё негизда тайёр маҳсулотлар, бутловчи буюмлар ва материаллар ишлаб чиқаришни маҳаллийлаштириш дастурини амалга оширишга доир қўшимча чора-тадбирлар тўғрисида» 2004 йил 14 январдаги 18-сон қарорига 1—4-иловаларга киритилган корхоналарга татбиқ этилади.

3. Бир марта тўланадиган мукофотлар тарзидаги моддий рағбатлантириш корхоналарнинг бошқарув ходимларига (раҳбарлар ва бошқарув ходимлари мутахассисларига) ва муҳандис-техник ходимларига нисбатан амалга оширилади. Моддий рағбатлантириш қўлланадиган лавозимлар рўйхати корхонанинг юқори бошқарув органи томонидан белгиланади.

4. Бир марта тўланадиган мукофотлар ҳар бир йил якунларига кўра Маҳаллийлаштириш дастурининг маҳаллийлаштириш даражаси, ишга туширилаётган қувватлар ва ишлаб чиқариш ҳажмлари бўйича Ўзбекистон Республикаси Вазирлар Маҳкамасининг 2004 йил 14 январдаги 18-сон қарорига 1—4-иловаларда назарда тутилган параметрлари бажарилган тақдирда тўланади.

5. Кўрсатиб ўтилган қарорнинг 5-бандига мувофиқ солиқлар ва божхона тўловларидан озод қилиш ҳисобига корхоналар ихтиёрида қоладиган пул маблағларининг бир қисми бир марта тўланадиган мукофотларни тўлаш манбаи ҳисобланади.

Бир марта тўланадиган мукофотни тўлашга йўналтириладиган маблағлар (шу жумладан ҳисобланган ягона ижтимоий тўлов) солиқлар ва божхона тўловларидан озод қилиш натижасида бўшайдиган маблағлар суммасининг 15 фоизидан ошмаслиги керак. Бунда 1 нафар ходим ҳисобига бир марта тўланадиган мукофотлар суммаси ойлик лавозим маоши миқдорининг 6 бараваридан ошмаслиги керак.

6. Йил якунига кўра бир марта тўланадиган мукофотни ходимлар ўртасида тақсимлаш корхона раҳбари тақдимида кўра, ҳар бир ходимнинг Маҳаллийлаштириш дастурини амалга оширишдаги шахсий ҳиссасини ва меҳнатдаги иштирокини ҳисобга олган ҳолда корхонанинг юқори бошқарув органи томонидан амалга оширилади.

7. Ўзбекистон Республикаси Вазирлар Маҳкамасининг 2004 йил 14 январдаги 18-сон қарорининг 5-бандига мувофиқ солиқлар ва божхона тўловларидан озод қилиш ҳисобига корхона томонидан олинган маблағларнинг қолган суммасидан тасдиқланган Маҳаллийлаштириш дастурини амалга оширишда белгиланган тартибда мақсадли фойдаланилади.

8. Ушбу Низомга мувофиқ бир марта тўланадиган мукофотлар (шу жумладан ҳисобланган ягона ижтимоий тўлов) суммаси даромад (фойда) солиғини ҳисоблашда солиқ солинадиган базага киритилмайди.

9. Солиқлар тўлашдан озод қилинадиган маблағлар ҳисобига бошқарув ходимларига ва муҳандис-техник ходимларга бир марта тўланадиган мукофотларни тўлашга

Йўналтириладиган маблағларнинг тўғри ҳисобланишини назорат қилиш давлат солиқ хизмати органлари томонидан амалга оширилади.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

187 Маҳсулотларни кимошди савдоларида сотиш механизмини такомиллаштириш тўғрисида

Юқори ликвидли маҳсулотларни кимошди савдолари орқали эркин алмаштириладиган валютага экспортга сотиш ҳажмларини кенгайтириш ҳамда механизмини такомиллаштириш мақсадида Вазирлар Маҳкамаси **қарор қилади:**

1. 2004 йилда ихтисослаштирилган «Ўзаукционсавдо» ташкилотининг кимошди савдоларида белгиланган тартибда сотиш учун мўлжалланган юқори ликвидли маҳсулотлар номенклатураси ва ҳажмлари 1-иловага мувофиқ тасдиқлансин.

2. Вазирликлар, идоралар, хўжалик бирлашмалари ва корхоналар раҳбарлари: 1-иловага мувофиқ маҳсулотларнинг савдога қўйилишини, ўз вақтида контрактлар ва шартномалар тузилишини, шунингдек кейинчалик маҳсулотлар етказиб берилишини;

2003 йилда ўтказилган кимошди савдолари яқунларига кўра тузилган контрактлар бўйича маҳсулотлар тўлиқ ҳажмда юклаб жўнатилишини таъминласинлар.

3. Қўйидагилар:

Юқори ликвидли маҳсулотларнинг айрим турларини кимошди савдосида кафолатли ҳажмларда сотиш тартиби тўғрисидаги низом 2-иловага мувофиқ;

Юқори ликвидли маҳсулотларнинг айрим турларини сотиш бўйича кимошди савдоларини ташкил этиш кенгаши таркиби 3-иловага* мувофиқ тасдиқлансин.

4. Ихтисослаштирилган «Ўзаукционсавдо» ташкилотига 2004 йилдан бошлаб 1-иловада назарда тутилмаган товарларни маҳсулот ишлаб чиқарувчилар буюртма-номалари асосида кимошди савдоларида сотишга рухсат этилсин.

5. Ўзбекистон Республикаси Давлат божхона қўмитаси кимошди савдолари яқунларига кўра тузилган экспорт контрактлари ҳисобга қўйилишини, шунингдек экспорт қилинадиган товарларнинг божхонада расмийлаштирилишини таъминласин.

6. Ўзбекистон Республикаси Ҳукуматининг 4-иловага мувофиқ айрим қарорларига ўзгартириш ва қўшимчалар киритилсин.

Ўзбекистон Республикаси Адлия вазирлиги Давлат мулки қўмитаси билан биргаликда вазирликлар ва идораларнинг норматив ҳужжатлари мазкур қарорга мувофиқлаштирилишини таъминласин.

7. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосарлари Р.С. Азимов ва Э.М. Фаниев зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 22 апрель,
193-сон

* 3-илова берилмайди.

**2004 йилда ихтисослаштирилган «Ўзаукционсавдо» ташкилотининг
кимошди савдоларида сотиш учун мўлжалланган юқори ликвидли
маҳсулотлар номенклатураси ва ҳажмлари**

Т/р	Етказиб берувчининг номи	Маҳсулот номи	ТИФ ТН коди	Ўлчов бирлиги	Жами	шу жумладан:		
						II чоракда	III чоракда	IV чоракда
1.	«Пахтасаноат» ҳудудий акциядорлик бирлашмалари	пахта толаси	5201	тонна	15000	10000	—	5000
2.	«Олмалиқ КМК» ОАЖ	тозаланган мис	7403	тонна	4000	2000	1000	1000
3.	«Ўзметкомбинат» акциядорлик ишлаб чиқариш бирлашмаси	қора металллар прокати	7201-7228	тонна	2000	1000	500	500
4.	«Ёғмойтамакисаноат» уюшмаси	пахта шроти	230610000	тонна	10000	5000	—	5000

Изоҳ. Товарларни савдога қўйиш санаси ва номенклатураси бозор конъюнктурасига қараб Юқори ликвидли маҳсулотларнинг айрим турларини сотиш бўйича кимошди савдоларини ташкил этиш кенгаши қарорига кўра белгиланади.

Вазирлар Маҳкамасининг
2004 йил 22 апрелдаги 193-сон қарорига
2-ИЛОВА

Юқори ликвидли маҳсулотларнинг айрим турларини кимошди савдосида кафолатланган ҳажмларда сотиш тартиби тўғрисида НИЗОМ

I. Умумий қоидалар

1. Ушбу Низом Ўзбекистон Республикаси Вазирлар Маҳкамасининг «Валюта бозорини янада эркинлаштириш чора-тадбирлари тўғрисида» 2001 йил 22 июндаги 263-сон қарорига мувофиқ юқори ликвидли маҳсулотларнинг айрим турларини муқобил кимошди савдоси асосида хорижий компаниялар ҳамда фирмаларга эркин алмаштириладиган валютага кафолатланган ҳажмларда сотиш тартибини белгилайди, кимошди савдосини ўтказишнинг умумий тартибини ва унда қатнашиш шартларини тартибга солиди, кимошди савдосини ўтказиш бўйича махсус органнинг ваколатларини, ҳисоб-китобларни ўтказиш механизмини ва кимошди савдосида сотиладиган юқори ликвидли маҳсулотнинг олди-сотди шартномаларини расмийлаштириш тартиботларини белгилайди.

2. Кимошди савдоларига юқори ликвидли товарларнинг хорижий компаниялар ва фирмаларга эркин алмаштириладиган валютага олдиндан ҳақ тўлаш шартларида, ҳам етказиб бериш муддатини кечиктирган ҳолда, ҳам тузилган контракт бўйича етказиб берган ҳолда, ушбу экспорт контрактларини Ўзбекистон Республикаси Ташқи иқтисодий алоқалар агентлигида рўйхатдан ўтказмасдан сотишга мўлжалланган айрим турлари қўйилади.

3. Ким ошди савдосида сотиладиган юқори ликвидли маҳсулотларнинг аниқ турлари ва миқдори Ҳукумат қарори билан ҳар йили товарлар (ишлар, хизматлар)-ни экспорт қилиш прогнозини тасдиқлаш чоғида, Ўзбекистон Республикаси Иқтисодиёт вазирлиги, Марказий банки ҳамда Ташқи иқтисодий алоқалар агентлиги таклифлари асосида белгиланади.

4. Юқори ликвидли маҳсулотлар айрим турларининг кимошди савдоларини зарур даражада ташкил этиш ва назорат қилишни таъминлаш учун Бирлашган барқарорлаштириш жамғармасини бошқариш кенгаши, Ўзбекистон Республикаси Иқтисодиёт вазирлиги, Молия вазирлиги, Ташқи иқтисодий алоқалар агентлиги, Марказий банки, Ташқи иқтисодий фаолият миллий банки ва «Ўзбекинвест» экспорт-импорт миллий суғурта компанияси вакилларида Юқори ликвидли маҳсулотлар айрим турларини сотиш бўйича ким ошди савдоларини ташкил этиш кенгаши (кейинги ўринларда Кенгаш деб аталади) тузилади, унинг шахсий таркиби Вазирлар Маҳкамаси томонидан тасдиқланади.

Кенгаш юқори ликвидли маҳсулотларнинг белгиланган турлари бўйича уларнинг ҳар қайси ким ошди савдосига қўйиладиган аниқ миқдорларини ва лотларнинг бошланғич нархларини белгилайди, ушбу Низомга риоя этилиши, маҳсулот сотишдан тушган маблағларнинг Бирлашган барқарорлаштириш жамғармасига тўлиқ ва ўз вақтида ўтказилиши устидан назоратни амалга оширади.

5. Ўзбекистон республика товар-хом ашё биржасининг шўъба корхонаси — «Ўзаукционсавдо» (кейинги ўринларда «Агент» деб аталади) юқори ликвидли маҳсулотларнинг айрим турларини сотиш бўйича кимошди савдоларини ўтказувчи ихтисослаштирилган ташкилот ҳисобланади. Агент фаолияти устидан назоратни Кенгаш амалга оширади.

Кимошди савдолари Ўзбекистон республика товар-хон ашё биржасининг савдо майдончасида ўтказилади.

II. Агентнинг функциялари, ҳуқуқлари ва мажбуриятлари

6. Агентга қўйидаги функциялар юкланади:

кимошди савдосига қўйиладиган савдо лотлари ҳужжатларини қабул қилиб олиш ва текшириш;

кимошди савдосини ўтказиш учун зарур бўлган ҳужжатларни расмийлаштириш;

кимошди савдоси ўтказилиши тўғрисидаги хабарни чоп этиш;

кимошди савдоси қатнашчиларини кимошди савдоларига қўйиладиган товарлар турлари ва миқдорлари тўғрисида хабардор қилиш;

қўйилаётган лотни идентификациялаш учун потенциал қатнашчиларга ҳужжатларни тақдим этиш;

кимошди савдоси қатнашчиларини рўйхатдан ўтказиш ва қатнашчиларга чипталар бериш;

кимошди савдосини ташкил этиш;

кимошди савдосида қатнашиш шартларига риоя этилиши устидан назоратни амалга ошириш;

кимошди савдоси қатнашчиларини кимошди савдолари натижаларидан хабардор қилиш;

кимошди савдоларининг бориши ва натижалари тўғрисида протоколлар тузиш, кейинчалик уларни Кенгашга бериш;

кимошди савдолари ғолиблари билан олди-сотди шартномаларини расмийлаштириш ҳамда уларни божхона органида ва ваколатли банкда ҳисобга қўйиш;

Ўзбекистон Республикаси қонун ҳужжатларига мувофиқ бошқа функциялар.

7. Агент савдоларни ўтказиш жараёнига бевосита аралашади, шу жумладан ушбу Низом бузилган, тил бириктириш, форс-мажор ҳолатлар аниқланган ҳолларда лотни савдодан чиқариш, савдони тўхтатиб қўйиш ҳуқуқига эга.

8. Фақат битта қатнашчи рўйхатдан ўтказилган лот, қатнашчиларни хабардор қилган ҳолда, кимошди савдосидан чиқарилади ва ушбу лот бўйича Агент томонидан кимошди савдоси ўтказилмаганлиги тўғрисида протокол расмийлаштирилади.

III. Кимошди савдосини ўтказишга тайёргарлик

9. Агент Кенгаш қарори асосида республика ва, зарурат бўлганда, хорижий оммавий ахборот воситаларида кимошди савдоси ўтказилиши тўғрисида билдиришнома эълон қилади ҳамда хабарномаларни кимошди савдоси ўтказиладиган санадан камида 30 кун олдин трейдер компанияларга жўнатади.

Товарни етказиб берувчи билан тузилган шартнома Агент томонидан кимошди савдосини ўтказиш учун асос ҳисобланади.

10. Билдиришнома ва хабарномада қўйидаги маълумотлар бўлиши керак:

кимошди савдосининг ўтказилиш вақти ва жойи;

кимошди савдоларига қўйиладиган товарлар номи ва миқдор, кимошди савдосини ўтказиш, шу жумладан ғолибни аниқлаш тартиби;

кимошди савдосида қатнашиш учун тўлов миқдори;

закалат суммаси ва у ўтказилиши керак бўлган ҳисоб рақами;

етказиб бериш ва тўлов шартларига биноан бошланғич нарх;

етказиб бериш ва тўлов шартлари (товар турига кўра);
етказиб бериш муддатлари;
буюртманомаларни қабул қилиш тугайдиган муддат ва қатнашчи қатнашишни рад этган тақдирда берилган буюртманомани қайтариб олишнинг охириги муддати;
низоларни ҳал қилиш тартиби;
кимошди савдоси қатнашчиларига қўйиладиган талаблар;
олди-сотди шартномаси шакли.
Кўрсатиб ўтилган шартлар Кенгаш томонидан белгиланади.

11. Кўрсатиб ўтилган маълумотларни тақдим этиш шакли, шартлари ва қўшимча маълумотлар рўйхати Агент томонидан белгиланади.

12. Билдиришнома эълон қилинган ёки хабарнома олинган вақтдан бошлаб Агент кимошди савдосининг барча қатнашчиларига қўйиладиган лотни идентификация қилиш учун ҳужжатларни тақдим этади.

Кимошди савдосининг потенциал қатнашчилари талабига кўра товарни етказиб берувчи ҳар қайси лот намунасини танишиш учун тақдим этади.

Товарни етказиб берувчи кимошди савдосининг потенциал қатнашчиларига тақдим этиш учун маҳсулотни сотиш бўйича олди-сотди шартномаси шаклини Агентга тақдим этиши лозим.

Пахта толасини сотишда «Пахтасаноат» ҳудудий акциядорлик бирлашмаси навбатдаги кимошди савдоси бошланишидан камида 15 календарь кун олдин маҳсулотнинг сортлари, класслари, типлари, миқдори, шунингдек унинг ишлаб чиқарувчилари тўғрисида Агентни ва «Ўзпахтасаноат» уюшмасини ёзма равишда хабардор қилади. Кўрсатиб ўтилган миқдордаги сертификатланган маҳсулот савдо бошланишидан камида 10 календарь кун олдин минтақавий пахта терминалларига жўнатилади. Бунда маҳсулотни терминалларга етказиш харажатлари «Пахтасаноат» ҳудудий акциядорлик бирлашмасига юкланади. Агар кўрсатиб ўтилган миқдордаги маҳсулот савдода сотилмаса, маҳсулот «Пахтасаноат» ҳудудий акциядорлик бирлашмаси билан келишган ҳолда ташқи савдо компаниялари ва/ёки Ўзбекистон республика товар-хом ашё биржасининг контрактлари бўйича 20 кун мобайнида жўнатилади.

13. Кимошди савдосида қатнашганлик учун тўлов, қайтариб берилмаган закатлар ва қонун ҳужжатларида тақиқланмаган бошқа маблағлар кимошди савдоларини ташкил этиш учун молиявий маблағлар манбалари ҳисобланади.

IV. Кимошди савдосида қатнашиш шартлари

14. Агентга Агент томонидан белгиланган муддатда қуйидагиларни тақдим этган хорижий компаниялар ва фирмалар кимошди савдосида қатнашиш ҳуқуқига эга: кимошди савдосида қатнашиш учун буюртманома;

Агентнинг ҳисоб рақамига эркин алмаштириладиган валютада буюртманома тақдим этилаётган лот бошланғич қийматининг 0,1 фоизидан ортиқ бўлмаган миқдорда кимошди савдосида қатнашиш учун тўлов тўланганини тасдиқловчи тўлов ҳужжатининг нусхаси;

Агентнинг ҳисоб рақамига буюртманома тақдим этилаётган лотга қараб Кенгаш томонидан белгиланган миқдорда эркин валютада закат тўланганлигини тасдиқловчи тўлов ҳужжатининг нусхаси;

хорижий компания ёки фирма номидан савдода бевосита қатнашувчи вакилга берилган ишончнома.

15. Агент томонидан зарур ҳужжатларни қабул қилиш ва қатнашчиларни рўйхатдан ўтказиш кимошди савдоси ўтказилишидан олдинги кунда соат 18-00 да тўхта-

тилади, қабул қилинган буюртманомалар эса савдо бошланишидан камида 3 соат олдин қайтариб олинishi мумкин.

16. Кимошди савдосида қатнашишга қўйилган хорижий компаниялар ва фирмаларга қатнашчининг тартиб рақами ёзилган кимошди савдоси қатнашчисининг чиптаси берилади.

17. Агар буюртманома берган хорижий компания ёки фирма мазкур Низомнинг 14-бандида белгиланган талабларни бажармаган бўлса, унинг кимошди савдосида қатнашиши рад этилиши мумкин.

18. Кимошди савдосида қатнашиш учун буюртманома берган хорижий компаниялар ва фирмалар тўғрисидаги маълумотлар ошкор этилмайди.

V. Кимошди савдосини ўтказиш тартиби

19. Кимошди савдоларини ўтказиш мақсадида Агент аукциончини тайинлайди, аукциончи Агентнинг ўз ходими ҳам, контракт асосида жалб этилган шахс ҳам бўлиши мумкин.

20. Агент ва аукциончи ўзлари ташкил этган кимошди савдосида қатнашчиларнинг манфаатларини ифодалаш ҳуқуқига эга эмаслар.

21. Кимошди савдосини ўтказиш тартиботи қуйидагиларни назарда тутати:

аукциончи кимошди савдоси бошлангунга қадар сотилаётган лотнинг тартиб рақамини эълон қилади, кимошди савдосига қўйилган товарни ва савдо шартларини тавсифлаб беради;

аукциончи тегишли лот бўйича кимошди савдосида иштирок этиш учун рўйхатдан ўтказилган қатнашчиларнинг рўйхатдан ўтиш тартиб рақамини эълон қилади. Аукциончи томонидан тартиб рақами эълон қилинган иштирокчи кимошди савдосида қатнашаётганлигини тасдиқлаб қатнашчи карточкасини кўтариши лозим;

аукциончи лотнинг бошланғич баҳосини ва кимошди савдосининг қадамини эълон қилган вақт кимошди савдоси бошланган вақт ҳисобланади. Кимошди савдоси қадамлари тўғрисидаги қарор аукциончи томонидан ҳар бир лот учун алоҳида қабул қилинади. Зарурият бўлганда аукциончи кимошди савдоси давомида қадамни ўзгартириши мумкин;

бошланғич баҳо эълон қилингандан кейин аукциончи таклифларни кутади, агар қатнашчи қатнашчи карточкасини кўтарса — бу унинг товарни бошланғич баҳода сотиб олишга тайёрлигини билдиради;

юқорироқ баҳони таклиф этмоқчи бўлган қатнашчи ўзининг қатнашчи карточкасини кўтаради, бу белгиланган қадам бўйича баҳони оширишга доир таклиф ҳисобланади. Аукциончи биринчи бўлиб юқорироқ баҳони таклиф этган иштирокчини эълон қилар экан таклиф этилган баҳо ва мазкур қатнашчининг тартиб рақамини эълон қилади. Агар аукциончи таклиф этган баҳони уч марта эълон қилганидан кейин қатнашчилардан ҳеч ким юқорироқ баҳо таклиф этмаса, аукциончи болғачанинг учинчи зарби билан айни бир вақтда лотнинг мазкур баҳони таклиф этган қатнашчига сотилганлигини эълон қилади. Шундан сўнг мазкур лотга доир кимошди савдоси ёпилган ҳисобланади.

22. Лотнинг бошланғич баҳоси эълон қилингандан кейин уни харид қилишни хоҳловчилар бўлмаса лот кимошди савдосидан чиқарилади.

23. Кимошди савдоси ғолиби (кейинги ўринларда харидор деб аталади) ва Агент кимошди савдоси натижалари тўғрисидаги икки нусхадаги протоколни савдо ўтказилган кунда имзолайдилар, унинг бир нусхаси харидорга берилади ва кейинчалик товарни етказиб берувчи — контракт эгаси билан олди-сотди шартномасини тузиш учун асос бўлиб хизмат қилади.

Протоколда етказиб берувчи ва харидор тўғрисидаги маълумотлар, товарнинг номи, товарнинг узил-кесил баҳоси кўрсатилади.

Харидор кимошди савдоси натижалари тўғрисидаги протоколни имзолашдан бош тортган тақдирда, Агент кимошди савдоси натижаларини бекор қилади. Бунда ютиб олинган лот (лотлар)нинг эълон қилинган қийматига мутаносиб закат суммаси қайтарилмайди.

24. Агар лот бўйича кимошди савдоси лотнинг кимошди савдосидан чиқарилганлиги ёхуд бошқа сабабларга кўра ўтказилмаган деб эълон қилинган бўлса ўтказилмаган кимошди савдосининг протоколи тузилади.

VI. Шартномани расмийлаштириш ва кимошди савдоси қатнашчилари билан ҳисоб-китоб қилиш

25. Олди-сотди шартномаси товарни етказиб берувчи — контракт эгаси ва харидор ўртасида кимошди савдоси натижалари тўғрисидаги протокол асосида ва Ўзбекистон Республикаси қонун ҳужжатларига мувофиқ, кимошди савдоси тугаган ва протокол расмийлаштирилгандан кейин икки ҳафтадан кечикмай тузилади.

Агар харидор белгиланган муддатда олди-сотди шартномасини имзоламаса, савдо натижалари Агент томонидан бекор қилиниши мумкин. Бунда харидор томонидан ютиб олинган, рад этилган лот (лотлар)нинг эълон қилинган қийматига мутаносиб закат суммаси қайтарилмайди.

Томонлардан бири шартнома тузишдан бош тортган тақдирда иккинчи томон шартномани тузишга мажбур қилиш, шунингдек шартнома тузишдан бўйин товлаш туфайли етказилган зарар тўғрисидаги талабнома билан судга мурожаат этишга ҳақлидир.

Пахта толасини сотишда олди-сотди шартномаси ихтисослаштирилган ташқи савдо компанияси (кейинги ўринларда экспорт қилувчи деб аталади) ва харидор ўртасида тузилади. Экспорт қилувчи ва етказиб берувчи минтақавий пахта терминаллари билан маҳсулотни қабул қилиб олиш ва кейинчалик экспортга жўнатиш тўғрисида зарур шартномалар тузадилар. Экспорт қилувчи минтақавий пахта терминалларига ўз вақтида экспорт билдиришномалари тақдим этилишини таъминлайди.

26. Харидор билан шартнома тузиш чоғида у тўлаган закат суммаси тузилган шартнома бўйича мажбуриятларнинг бажарилиши сифатида ҳисобга олинади. Кимошди савдосининг қолган барча иштирокчиларига закат суммаси кимошди савдоси натижалари эълон қилинган вақтдан эътиборан 3 иш куни мобайнида қайтариб берилади.

27. Олди-сотди шартномасида қуйидагилар кўрсатилади:

сотилган товарнинг номи;

сотилган товарнинг баҳоси ва миқдори;

товарни етказиб берувчи ва харидор тўғрисидаги маълумотлар;

товарни етказиб бериш шартлари;

тўлов шакли ва муддатлари;

томонлар масъулиятининг юзага келиш шартлари ва доираси;

Ўзбекистон Республикаси қонун ҳужжатларига мувофиқ шартноманинг бошқа шартлари.

Савдо натижаларига кўра тузилган олди-сотди шартномаси товарни етказиб берувчига хизмат кўрсатувчи ваколатли банкда ҳамда божхона органида белгиланган тартибда ҳисобга қўйилиши керак.

28. Кимошди савдоси натижалари бўйича тузилган олди-сотди шартномаси:

юқори ликвидли маҳсулотни олдиндан тўлов асосида маҳсулот етказиб бериш муддатини кейинга суриш, шунингдек олди-сотди шартномаси тузилганлиги факти бўйича етказиб бериш шартларида сотишни;

кимошди савдоси шартларидан фарқ қилувчи маҳсулот етказиб беришга доир қўшимча шартларни назарда тутиши мумкин.

Ҳисоб-китоблар тўғрисидаги маълумотнома товарни етказиб берувчига хизмат кўрсатувчи ваколатли банк томонидан, Ўзбекистон Республикаси Марказий банкининг билдиришномаси асосида закатат суммасини ҳисобга олган ҳолда расмийлаштирилади.

29. Харидор олди-сотди шартномасига мувофиқ тўловларни шартнома имзоланган вақтдан эътиборан 20 иш кунидан кечиктирмай амалга ошириши шарт.

30. Агар харидор олди-сотди шартномасига мувофиқ белгиланган муддатда ҳисоб-китоб қилмаса, Агент кимошди савдолари натижаларини бекор қилиш ҳамда товарни етказиб берувчи билан келишган ҳолда сотилмаган миқдордаги товарни келгуси савдоларга қўйиш ҳуқуқига эга.

Ушбу ҳолларда Агент:

харидор томонидан ютиб олинган лот (лотлар)нинг протоколда кўрсатилган эълон қилинган қийматига мутаносиб ҳолда ҳисоблаб чиқилган закататни ўз фойдасига олиб қолади;

Кенгаш қарорига кўра харидорни Агент томонидан ўтказиладиган бошқа савдоларда қатнашиш ҳуқуқидан маҳрум қилиши мумкин.

31. Кимошди савдосида сотилмай қолган лотлар кейинги кимошди савдоларига (шу жумладан охириги кимошди савдосида эълон қилинганидан бошқа баҳолар бўйича) қўйилиши мумкин.

32. Кимошди савдосини ўтказиш жараёнида пайдо бўлган эътирозлар кимошди савдоси ёпилгунга қадар Агент томонидан кўриб чиқилади. Агентнинг қарорлари юзасидан ваколатли органларга ёки суд тартибида шикоят қилиниши мумкин.

33. Кимошди савдоси натижаларига оид тўлиқ маълумотлар мавжуд бўлган ҳисобот кимошди савдоси ўтказилгандан кейин икки кун муддатда Кенгашга киритилади.

VII. Юқори ликвидли товарлар кимошди савдоларида сотилганлиги учун ҳисоб-китоб қилиш тартиби

34. Савдо натижалари тўғрисидаги протокол асосида тузилган олди-сотди шартномасида сотиб олинган товар учун маблағлар Агентнинг Ўзбекистон Республикаси Марказий банкининг Операциялар бошқармасида очилган махсус транзит валюта ҳисоб рақамига ёки Агентнинг товар етказиб берувчи ёхуд экспорт қилувчининг ваколатли банкида очилган иккиламчи валюта ҳисоб рақамига тушиши назарда тутилиши керак.

35. Агент валюта тушумини Ўзбекистон Республикаси Марказий банкига, уни Бирлашган барқарорлаштириш жамғармасига мақсадли йўналтирган ҳолда, мажбурий тартибда сотади.

Бунда:

пахта толасини сотишда Агент валюта тушумининг ҳаммасини мажбурий тартибда сотади. Бунда Агент мажбурий тартибда сотишни валюта тушуми суммасининг 10 фоизгачасини чегирган ҳолда амалга оширишга ҳақли, уни олди-сотди шартномаси бўйича узил-кесил ўзаро ҳисоб-китоб қилингандан кейин сотади;

марказлаштирилмаган экспорт номенклатураси ва ҳажмларидан ажратилган товарларни сотишда Агент валюта тушумини 50 фоиз миқдорда мажбурий тартибда сотади, валюта тушумининг қолган қисмини эса товар етказиб берувчининг ҳисоб рақамига ўтказиши. Бунда валюта тушумининг сотилган қисми товар етказиб берувчининг мажбурий тартибда сотиши сифатида ҳисобга олинади.

Агентнинг валютанинг бир қисмини мажбурий тартибда сотиши белгиланган тартибда амалга оширилади.

36. Агентга Ўзбекистон Республикаси Марказий банкдан миллий валютада тушган тушум тузилган олди-сотди шартномасига мувофиқ товар етказиб берувчи ҳисобига ёки пахта толаси экспорт қилинганда — экспорт қилувчи ҳисобига (Агентнинг Кенгаш томонидан белгиланган воситачилик ҳақи чегирилган ҳолда) ўтказилади.

Пахта толаси экспорт қилинганда экспорт қилувчи ҳисобига тушган миллий валютадаги маблағлар, пахта толасини экспорт қилиш сарф-харажатларнинг чекланган миқдорлари билан белгиланган харажатларни, шу жумладан экспорт қилувчининг 1,5 фоиз миқдордаги воситачилик ҳақини чегирилган ҳолда, товар етказиб берувчи ҳисобига ўтказилади.

VIII. Кимошди савдосида битишувларни амалга оширишда томонларнинг жавобгарлиги

37. Товарни етказиб берувчи Агентга, улар асосида Агент савдо ўтказадиган бошланғич баҳолар, етказиб бериш шартлари ва муддатлари, тўлов шартлари ва бошқа шартлар бўйича ёзма ахборот берилиши учун жавоб беради.

Товарни олди-сотди шартномасида назарда тутилган миқдорда, номенклатурада, сифат ва муддатларда етказиб бериш бўйича жавобгарлик товар етказиб берувчининг зиммасига юкланади.

38. Агент ва кимошди савдоси иштирокчиларининг жавобгарлиги Ўзбекистон Республикасининг амалдаги қонун ҳужжатларида белгиланган тартибда белгиланади.

39. Агар савдода қатнашиш учун тўлов тўлангандан кейин Агент томонидан кимошди савдосини ўтказиш рад этилган ёки қатнашчи томонидан берилган буюртманома қайтариб олишнинг сўнгги муддати тугагунга қадар қайтариб олинган бўлса, Агент ўзи таклиф этган иштирокчилар томонидан тўланган тўловларни 3 иш кун мобайнида уларга қайтаради.

Вазирлар Маҳкамасининг
2004 йил 22 апрелдаги 193-сон қарорига
4-ИЛОВА

Ўзбекистон Республикаси Ҳукуматининг айрим қарорларига киритилаётган ўзгартириш ва қўшимчалар

1. Вазирлар Маҳкамасининг «Валюта бозорини янада эркинлаштириш чоратадбирлари тўғрисида» 2001 йил 22 июндаги 263-сон қарори (Ўзбекистон Республикаси ҚТ, 2001 й., 6-сон, 30-модда) 6-бандининг иккинчи—бешинчи хатбоши қуйидаги тахрирда баён қилинсин:

«Белгилаб қўйилсинки, юқори ликвидли маҳсулотларни кўрсатиб ўтилган шарт-

ларда сотишдан тушган валюта тушуми белгиланган тартибда Бирлашган барқарорлаштириш жамғармасига мақсадли йўналтирилган ҳолда Ўзбекистон Республикаси Марказий банкига мажбурий сотилади. Бунда валюта тушуми:

пахта толаси сотилган тақдирда — 100 фоиз миқдориди;

марказлаштирилмаган экспорт номенклатураси ва ҳажмларидан ажратилган товарлар сотилган тақдирда — 50 фоиз миқдориди мажбурий сотилади».

2. Вазирлар Маҳкамасининг «Биржадан ташқари валюта бозори фаолиятини ташкил этиш чора-тадбирлари тўғрисида» 2001 йил 10 июлдаги 294-сон қарорига (Ўзбекистон Республикаси ҚТ, 2001 й., 7-сон, 38-модда) 1-иловада:

4-банднинг тўртинчи хатбошидаги «кафолатли» сўзидан кейин «ҳамда белгиланган экспорт прогнозидан ортиқча» сўзлари қўшилсин;

7-банднинг «б» кичик банди қуйидаги таҳрирда баён қилинсин:

«б) Ихтисослаштирилган «Ўзаукционсавдо» ташкилотидан маҳсулотларни кимосди савдолари асосида хорижий компаниялар ва фирмаларга сотишдан олинган валюта тушумини маблағларнинг тушишига қараб:

пахта толаси сотилган тақдирда — 100 фоиз миқдориди;

марказлаштирилмаган экспорт номенклатураси ва ҳажмларидан ажратилган товарлар сотилган тақдирда — 50 фоиз миқдориди сотиб олади».

3. Вазирлар Маҳкамасининг «Юқори ликвидли маҳсулотларни кимосди савдосида сотишни ташкил этиш чора-тадбирлари тўғрисида» 2001 йил 12 июлдаги 298-сон қарорига (Ўзбекистон Республикаси ҚТ, 2001 й., 7-сон, 40-модда):

4-бандга қуйидаги таҳрирдаги хатбоши қўшилсин:

«Ўзаукционсавдо» шўъба корхонаси директорига, зарур ҳолларда, ихтисослаштирилган «Ўзаукционсавдо» ташкилотининг ходимлари сонига Юқори ликвидли маҳсулотларнинг айрим турларини сотиш бўйича кимосди савдоларини ташкил этиш кенгаши билан келишган ҳолда ўзгартиришлар киритиш ҳуқуқи берилсин»;

5-банд ва қарорга 2-3-иловалар ўз кучини йўқотган деб ҳисоблансин.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

188 Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита фаолиятини янада такомиллаштириш тўғрисида

Ўзбекистон Республикаси Президентининг «Республика давлат бошқаруви органлари тизимини такомиллаштириш тўғрисида» 2003 йил 9 декабрдаги ПФ–3358-сон Фармонини бажариш юзасидан ҳамда Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита фаолиятини такомиллаштириш мақсадида Вазирлар Маҳкамаси қарор қилади:

1. Ўзбекистонда фаолият кўрсатаётган диний ташкилотларнинг Дин ишлари бўйича қўмита ҳузурида 1-иловага* мувофиқ таркибда Конфессиялар ишлари жамоатчилиги кенгашини ташкил этиш тўғрисидаги таклифи қабул қилинсин.

* 1-илова берилмайди.

Конфессиялар ишлари кенгаши фаолиятини ташкил этишни таъминлаш учун 3 кишидан иборат Кенгаш котибияти ташкил этилсин.

2. Қўйидагилар:

Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита аппарати тузилмаси 2-иловага мувофиқ;

Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита тўғрисидаги низом 3-иловага мувофиқ тасдиқлансин.

3. Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита ходимларининг чекланган умумий сони 38 нафар, шу жумладан бошқарув ходимлари сони 28 нафар этиб белгилансин.

Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита раисига, зарурият бўлганда, Қўмита тузилмасига ходимларнинг белгиланган чекланган умумий сони доирасида ўзгартиришлар киритиш ҳуқуқи берилсин.


4. Вазирлар Маҳкамасининг «Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита фаолиятини ташкил этиш масалалари» тўғрисида 1992 йил 2 апрелдаги 159-сон қарори, «Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг низоми ҳамда унинг тизимига қўшимча ва ўзгартиришлар киритиш тўғрисида» 1995 йил 27 январдаги 23-сон қарори, Вазирлар Маҳкамасининг 1999 йил 23 декабрдаги 542-сон қарорининг 1-банди ўз кучини йўқотган деб ҳисоблансин.

5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.А. Азизхўжаев зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 23 апрель,
196-сон

**Ўзбекистон Республикаси Вазирлар Маҳкамаси ҳузуридаги Дин ишлари
бўйича қўмита аппарати тузилмаси**



Ходимларнинг чекланган умумий сони — 38 киши, шу жумладан
бошқарув ходимлари — 28 киши

Вазирлар Маҳкамасининг
2004 йил 23 апрелдаги 196-сон қарорига
3-ИЛОВА

Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита тўғрисида НИЗОМ

I. Умумий қоидалар

1. Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита (кейинги ўринларда матнда Қўмита деб аталади) ҳар бир шахснинг виждон ва диний эътиқод эркинлиги ҳуқуқи, фуқароларнинг динга бўлган муносабатидан қатъи назар тенглигини таъминлаш, шунингдек диний ташкилотлар фаолияти билан боғлиқ муносабатларни тартибга солиш соҳасидаги вазифаларни ҳал этиш ваколати берилган давлат бошқаруви органи ҳисобланади.

Қўмита ўз фаолиятида Ўзбекистон Республикаси Вазирлар Маҳкамасига ҳисоб беради.

2. Қўмита ўз фаолиятида Ўзбекистон Республикаси Конституциясига ва қонунларига, Ўзбекистон Республикаси Олий Мажлисининг қарорлари ва бошқа ҳужжатларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, шунингдек мазкур Низомга амал қилади.

3. Қўмита ўз фаолиятини давлат бошқарувининг бошқа органлари, маҳаллий давлат ҳокимияти органлари, жамоат бирлашмалари ва бошқа ташкилотлар билан ўзаро ҳамкорликда амалга оширади.

4. Қўмита фаолиятини молиялаштириш Қўмитага ажратиладиган маблағлар доирасида давлат бюджети маблағлари, шунингдек қонун ҳужжатларида тақиқланмаган бошқа манбалар ҳисобига амалга оширилади.

5. Қўмита юридик шахс ҳисобланади, Ўзбекистон Республикаси Давлат герби тасвири туширилган ва ўз номи ёзилган муҳрга эга бўлади.

II. Қўмитанинг вазифалари ва функциялари

6. Қўйидагилар Қўмитанинг асосий вазифалари ҳисобланади:

маҳаллий давлат ҳокимияти органлари билан биргаликда виждон эркинлиги ва диний ташкилотлар тўғрисидаги қонун ҳужжатларига мувофиқ диний масалаларни ҳал қилишда ягона сиёсатни амалга ошириш;

давлат органларининг республика ҳудудида жойлашган диний ташкилотлар билан ўзаро алоқаси ва ҳамкорлигини таъминлаш;

давлат сиёсатида қонун ҳужжатларида белгиланган тартибда рўйхатдан ўтказилган диний ташкилотлар манфаатларини ақс эттириш.

7. Қўмита унга юкланган вазифаларни бажариш учун қўйидаги функцияларни амалга оширади:

давлат органларининг диний ташкилотлар билан ўзаро муносабатларини мувофиқлаштиради ҳамда виждон эркинлиги ва диний ташкилотлар тўғрисидаги қонун ҳужжатларининг ижроси устидан назоратни амалга оширади;

диний ташкилотлар, шунингдек хорижий диний ташкилотлар билан ўзаро муносабатларга доир диний масалалар бўйича ишларни олиб боради;

диний ташкилотлар илтимосига кўра уларнинг давлат органлари билан ўзаро алоқаларига кўмаклашади ва ҳал этилиши талаб қилинадиган масалалар бўйича зарур ёрдам кўрсатади;

диний ташкилотлар ва уларнинг аъзолари ўртасида ўзаро бир-бирини тушунишни ва сабр-тоқатлиликни мустаҳкамлаш сиёсатини ўтказиши, ушбу борада ташкилотчилик ишларини амалга оширади;

Ўзбекистон Республикаси Ҳукуматининг топшириғига кўра виждон эркинлигига ва диний ташкилотлар фаолиятига тааллуқли норматив-ҳуқуқий ҳужжатлар лойиҳаларини ишлаб чиқишда қатнашади;

диний таълим муассасалари фаолияти белгиланган тартибда лицензияланиши, лицензиатлар томонидан лицензия талаблари ва шартларига риоя этилиши устидан назоратни ташкил қилади, лицензиялар реестрини юритади;

республика доирасида ва чет элларда диний ташкилотлар ўртасида алоқалар ўрнатилишини ташкил қилади;

Ўзбекистон Республикаси фуқароларининг мамлакат ташқарисидаги муқаддас жойларга боришини, шу жумладан Ҳаж ва Умра зиёратини амалга оширишини, фуқароларни диний ўқув юртларида таълим олиш, малака ошириш ва тажриба алмашиш учун чет элларга юборишни, хорижий фуқароларни ўқишга қабул қилишни, халқаро анжуманлар ўтказилишини ташкил қилади;

диний ташкилотлар ва Ўзбекистон Республикасида диний адабиётлар нашр қилувчи нашриётлар тўғрисидаги ахборотларни йиғишни таъминлайди;

республикада чиқариладиган ёки чет эллардан келтириладиган диний тусдаги маҳсулотларни (матбуот ва электрон нашрларни, аудио, видео кассеталарни, CD, DVD ва бошқа дискларни) экспертизадан ўтказиши ва мазкур фаолиятни мувофиқлаштиради.

8. Қўмита ўзига юкланган вазифалар ва функцияларни бевосита ҳал қилади.

9. Республикада жойлашган диний ташкилотлар билан мустаҳкам ўзаро ҳамкорлик қилиш, турли диний конфессиялар фаолияти амалга оширилишида ёрдам кўрсатиш, жамиятда динлараро ва миллатлараро тинчлик ва тотувликни таъминлаш юзасидан таклифлар ва чора-тадбирларни биргаликда ишлаб чиқиш, конфессиялараро мулоқот маданиятини ривожлантириш учун Қўмита ҳузурида Конфессиялар ишлари жамоатчилиги кенгаши ташкил этилади, унинг таркибига республикадаги кўп сонли диний конфессиялар етакчилари киради.

Конфессиялар ишлари кенгаши фаолияти ташкил этилишини таъминлаш учун 3 кишидан иборат доимий ишловчи Кенгаш котибияти ташкил этилган.

III. Қўмитанинг ҳуқуқлари ва жавобгарлиги

10. Қўмита ўзига юкланган вазифалар ва функцияларни бажариш учун қуйидаги ҳуқуқларга эга:

вазирликлар, давлат қўмиталари, идоралардан, шунингдек маҳаллий давлат ҳокимияти органларидан «Виждон эркинлиги ва диний ташкилотлар тўғрисида»ги Қонуннинг ҳамда динга тааллуқли бошқа қонун ҳужжатларининг ижроси масалаларига доир маълумотлар ва материалларини сўраш ва олиш;

ўз ваколатлари доирасида диний ташкилотларнинг, шу жумладан диний ўқув юртларининг фаолиятини, уларнинг ўқув жараёни ва дастурларини, ўқув-тарбиявий ишларини, фанлар бўйича ўқув режаларини, диний мавзудаги илмий-тадқиқот ишларини мувофиқлаштириш, уларга ушбу фаолиятни амалга оширишда ташкилий, ҳуқуқий, методик ёрдам кўрсатиш;

диний ташкилотлар раҳбарларидан зарур ахборотларни белгиланган тартибда талаб қилиш, шунингдек улар томонидан ўтказиладиган уларнинг ўз фаолияти билан боғлиқ тадбирларда қатнашиш.

Қўмита Ўзбекистон Республикаси қонун ҳужжатларига мувофиқ бошқа ҳуқуқларга ҳам эга бўлиши мумкин.

11. Қўмита ўз ваколатлари доирасида белгиланган тартибда вазирликлар, идоралар, маҳаллий давлат ҳокимияти органлари бажариши мажбурий бўлган норматив-ҳуқуқий ҳужжатлар қабул қилишга ҳақлидир.

Қўмита, зарур ҳолларда, бошқа вазирликлар, давлат қўмиталари ва идоралар билан биргаликда қўшма қарорлар ҳамда бошқа ҳужжатлар чиқаришга ҳақлидир.

12. Қўмита ўзига юкланган вазифаларнинг самарали бажарилиши учун жавоб беради.

IV. Қўмита фаолиятини ташкил этиш

13. Қўмитага қонун ҳужжатларида белгиланган тартибда лавозимга тайинландиган ва лавозимдан озод қилинадиган раис бошчилик қилади.

Раиснинг бир нафар ўринбосари бўлади.

Раис мақомига кўра Ўзбекистон Республикаси вазирининг биринчи ўринбосарига, унинг ўринбосари эса — тегишли равишда вазир ўринбосарига тенглаштирилади.

14. Раис:

Қўмита фаолиятига умумий раҳбарликни амалга оширади ва Қўмитага юкланган вазифалар ва функцияларнинг бажарилиши учун шахсан жавоб беради;

ўз ўринбосари ваколатларини белгилайди, Қўмита тизимининг бошқа мансабдор шахслари ваколатларини белгилайди;

Қўмита тузилмасига ўзгартиришлар киритади, ходимларнинг белгиланган чекланган умумий сони доирасида штат жадвалини, шунингдек харажатлар сметасини тасдиқлайди;

Қўмита ходимларини лавозимга тайинлайди ва лавозимдан озод қилади.

Раис қонун ҳужжатларига мувофиқ бошқа ваколатларни амалга оширади.

15. Қўмитада 5 киши — Раис (Ҳайъат раиси), Раис ўринбосари (лавозимига кўра) ва Қўмитанинг бошқа раҳбар ходимларидан иборат таркибда Ҳайъат ташкил этилади.

Ҳайъатнинг шахсий таркиби Раиснинг тақдимномасига кўра Ўзбекистон Республикаси Вазирлар Маҳкамаси томонидан тасдиқланади.

Қўмита ҳайъати Қўмита фаолиятининг асосий масалаларини кўриб чиқади, таркибий бўлинмалар раҳбарлари ҳисоботларини эшитида, Қўмитанинг муҳим буйруқлари ва бошқа ҳужжатлари лойиҳаларини муҳокама қилади.

Ҳайъат қарорлари Раиснинг буйруқлари билан ҳаётга татбиқ этилади.

16. Қўмитани қайта ташкил этиш ва тугатиш қонун ҳужжатларида белгиланган тартибда амалга оширилади.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

189 Қарз олувчиларнинг кредит тарихи тўғрисидаги ахборотни ҳисобга олиш тизимини шакллантириш чоратадбирлари тўғрисида

Вазирлар Маҳкамасининг 2003 йил 15 декабрдаги 547-сон қарори билан тасдиқланган 2004 йил учун макроиқтисодий сиёсатни амалга оширишнинг асосий чоратадбирлари дастурига мувофиқ, молия интизомини мустаҳкамлаш, кредит операциялари бўйича таваккалчиликларни камайтириш мақсадида ва потенциал қарз олувчиларни ахборот билан таъминлашнинг халқаро тажрибасидан келиб чиқиб Вазирлар Маҳкамаси **қарор қилади:**

1. Ўзбекистон Республикаси Марказий банки ва тижорат банкларининг Ўзбекистон Республикаси Марказий банкининг Кредит ахбороти миллий институтини ташкил этиш тўғрисидаги таклифига розилик берилсин.

Қуйидагилар Ўзбекистон Республикаси Марказий банкининг Кредит ахбороти миллий институтининг асосий вазифалари этиб белгилансин:

тижорат банклари ва уларнинг қарз олувчилари кредит операциялари, қарз олувчиларнинг мажбуриятларини таъминлаш турлари тўғрисидаги маълумотларни тўплаш ва таҳлил қилиш, тегишли маълумотлар базасини шакллантириш;

Ўзбекистон Республикаси Марказий банки томонидан банк назорати функцияларини амалга ошириш, кредит сиёсатидаги ўзгаришларни ва тижорат банкларининг кредит портфели ҳолатини таҳлил этиш мақсадида кредит ахборотининг ягона реестрини юритиш;

шартнома асосида тижорат банкларига ва кредит-ахборот бюроларига кредит ахбороти бериш.

2. Ўзбекистон Банклари уюшмаси, «Асака» банки, «Ўзсаноатқурилишбанк», «Пахта-банк», «Ғалла-банк» ва «Алоқа-банк»нинг Ўзбекистон Банклари уюшмасининг «Кредит-ахборот бюроси» шўъба корхонасини юридик шахс ҳуқуқига эга бўлган ташкилот — Банклараро кредит бюросига айлантириш тўғрисидаги таклифи маъқуллансин.

3. Қуйидагилар Банклараро кредит бюроси фаолиятининг асосий йўналишлари ҳисобланиши маълумот учун қабул қилинсин:

тижорат банкларининг қарз олувчилари — жисмоний ва юридик шахслар тўғрисида уларнинг кредит тарихини шакллантириш учун зарур бўлган маълумотлар базасини шакллантириш ва ахборотларни таҳлил қилиш;

реал сектор корхоналари фаолиятини таҳлил этиш ва қарз олувчиларни рейтинг баҳолаш тизимини шакллантириш;

шартнома асосида банкларга ва бошқа кредит ташкилотларига, шунингдек қарз олувчиларнинг ўзига уларнинг сўровномалари бўйича қарз олувчиларнинг кредит тарихи тўғрисидаги маълумотларни бериш.

4. Белгилаб қўйилсинки, қуйидагилар Кредит ахбороти миллий институти ва Банклараро кредит бюросининг маълумотлар базасини шакллантириш манбалари ҳисобланади:

қонун ҳужжатларида назарда тутилган тартибда тижорат банклари томонидан Ўзбекистон Республикаси Марказий банкига тақдим этиладиган олинган кредитлар шартлари, тузилган лизинг ва факторинг шартномалари, гаровга қўйилган мол-мулк

ва тижорат банклари олдидаги мажбуриятларни таъминлаш учун берилган кафолатлар (кафиллик) тўғрисидаги ахборотлар;

банклар билан уларнинг мижозлари ўртасидаги тегишли шартномаларда назарда тутилган тартибда тижорат банклари томонидан Банклараро кредит бюросига тақдим этиладиган маълумотлар;

банкдан олинган кредитларни ўз вақтида қайтариш юзасидан ўз мажбуриятларини бажармаган қарз олувчилар тўғрисидаги «Банклар ва банк фаолияти тўғрисида»ги Ўзбекистон Республикаси Қонунининг 35-моддасига мувофиқ тижорат банклари томонидан ошкор қилинадиган ахборотлар;

Кредит ахбороти миллий институти ва Банклараро кредит бюроси томонидан давлат статистика ва иқтисодиёт органларидан, нодавлат ташкилотлар ва хўжалик юритувчи субъектлардан қонун ҳужжатларида тақиқланмаган бошқа асослар бўйича олинган маълумотлар.

5. Белгилансинки:

Кредит ахбороти миллий институти ва Банклараро кредит бюросининг маълумотлар базасидан мазкур қарорда назарда тутилмаган бошқа шахсларга маълумотлар берилишига йўл қўйилмайди;

потенциал қарз олувчиларнинг кредит тарихи тўғрисида ахборот оладиган тижорат банклари қонун ҳужжатларида белгиланган талабларга мувофиқ унинг химоя қилиниши ва сақланишини таъминлашлари зарур.

6. Ўзбекистон Республикаси Марказий банкига бир ой муддатда:

Кредит ахбороти миллий институтининг маълумотлар базасини шакллантириш ҳамда Банклараро кредит бюросига ва тижорат банкларига кредит ахбороти тақдим этиш тартиби тўғрисидаги низомни;

Ўзбекистон Банклар уюшмаси билан биргаликда Банклараро кредит бюроси ва тижорат банклари ўртасида маълумотлар айирбошланишини тартибга солувчи норматив ҳужжатни ҳамда кредит тарихи тўғрисидаги ахборотни тақдим этиш тартибини ишлаб чиқиш ва белгиланган тартибда тасдиқлаш тавсия этилсин.

7. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Азимов ва Ўзбекистон Республикаси Марказий банки раиси Ф.М. Муллажонов зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 23 апрель,
197-сон

БЕШИНЧИ БЎЛИМ

ЎЗБЕКИСТОН РЕСПУБЛИКАСИ МОЛИЯ ВАЗИРИНИНГ
БУЙРУҒИ

190 Аудиторлик малакавий сертификатини бериш тартиби тўғрисидаги низомга ўзгартириш ва қўшимчалар киритиш ҳақида

*Ўзбекистон Республикаси Адлия вазирлиги томонидан 2004 йил
19 апрелда 977-1-сон билан давлат рўйхатидан ўтказилди*

(2004 йил 29 апрелдан кучга киради)

«Аудиторлик фаолияти тўғрисида»ги Ўзбекистон Республикаси Қонунига асосан ва Ўзбекистон Республикаси Вазирлар Маҳкамасининг 1992 йил 23 ноябрдаги 553-сонли қарори билан тасдиқланган Ўзбекистон Республикаси Молия вазирлиги тўғрисидаги низомга мувофиқ **буюраман:**

1. Ўзбекистон Республикаси Молия вазирлиги томонидан 2000 йил 25 сентябрда 68-сон билан тасдиқланган «Аудиторлик малакавий сертификатини бериш тартиби тўғрисида»ги низомга (2000 йил 13 октябрь, рўйхат рақами 977-сон — Меъёрий ҳужжатлар ахборотномаси, 2000 й., 19-сон) ўзгартириш ва қўшимчалар иловага* мувофиқ киритилсин.

2. Мазкур буйруқ Ўзбекистон Республикаси Адлия вазирлигида давлат рўйхатидан ўтказилган кундан бошлаб 10 кун ўтгандан кейин кучга киради.

Молия вазири М. НУРМУРАТОВ

Тошкент ш.,
2004 йил 26 февраль,
34-сон

* Илова рус тилидаги матнда берилди.

ЎЗБЕКИСТОН RESPUBLIKACI COғЛИҚНИ САҚЛАШ ВАЗИРЛИГИ
ЎЗБЕКИСТОН RESPUBLIKACI MEҳНАТ ВА АҲОЛИНИ ИЖТИМОЙ
МУҲОФАЗА ҚИЛИШ ВАЗИРЛИГИНИНГ
ҚАРОРИ

191 Радиация натижасида келиб чиқиши мумкин бўлган касалликлар рўйхатини тасдиқлаш ҳақида

*Ўзбекистон Республикаси Адлия вазирлиги томонидан 2004 йил
19 апрелда 1340-сон билан давлат рўйхатидан ўтказилди*

(2004 йил 29 апрелдан кучга киради)

Радиациядан зарар кўрган фуқароларга тиббий ёрдамни ташкил этиш ва улардаги ривожланган касалликларни радиацияга боғлиқлигини аниқлаш масалаларини такомиллаштиришда, Халқаро қўмиталарнинг, Мустақил Давлатлар Ҳамдўстлиги давлатларидаги ҳамда Ўзбекистон Республикасидаги бир қатор илмий ташкилотларнинг тадқиқотларига асосланган ҳолда Ўзбекистон Республикаси Соғлиқни сақлаш вазирлиги ва Меҳнат ва аҳолини ижтимоий муҳофаза қилиш вазирлиги **қарор қилади:**

1. Радиация натижасида келиб чиқиши мумкин бўлган касалликлар рўйхати иловага мувофиқ тасдиқлансин.
2. Ушбу қарор Адлия вазирлиги томонидан рўйхатга олинган кундан бошлаб 10 кундан кейин кучга киритилсин.

Соғлиқни сақлаш вазири Ф. НАЗИРОВ

Тошкент ш.,
2004 йил 27 февраль,
4-сон

**Меҳнат ва аҳолини ижтимоий муҳофаза қилиш
вазири О. ОБИДОВ**

Тошкент ш.,
2004 йил 27 февраль,
75-сон

Соғлиқни сақлаш вазирлиги, Меҳнат ва
аҳолини ижтимоий муҳофаза қилиш
вазирлигининг 2004 йил 27 февраль 4-сон,
75-сонли қарорига
ИЛОВА

Радиация натижасида келиб чиқадиган касалликлар рўйхати

1. Турли даражадаги ўткир ва сурункали нур хасталиги.
2. Хавфли ўсма касалликларнинг (саратон) барча турлари.
3. Лейкоз.

ЎЗБЕКИСТОН RESPUBLIKASI MARKAZIЙ BANKI BOШҚARUVINING
ҚARORI**192** Тижорат банкларининг ички аудитига Марказий банк томонидан қўйиладиган талаблар тўғрисидаги низомга ўзгартириш ва қўшимчалар киритиш ҳақида

*Ўзбекистон Республикаси Адлия вазирлиги томонидан 2004 йил
20 апрелда 992-1-сон билан давлат рўйхатидан ўтказилди*

(2004 йил 30 апрелдан кучга киради)

«Ўзбекистон Республикасининг Марказий банки тўғрисида»ги Ўзбекистон Республикаси Қонунининг 3, 7, 17 ва 51-моддаларига асосан тижорат банкларидаги ички назорат тизимини Базел қўмитасининг тавсиялари ва аудитнинг халқаро андозаларига мувофиқлаштириш ҳамда ички назоратга қўйиладиган талабларни янада такомиллаштириш мақсадида Марказий банк Бошқаруви **қарор қилади:**

1. «Тижорат банкларининг ички аудитига Марказий банк томонидан қўйиладиган талаблар тўғрисида»ги низомга (2000 йил 22 декабрь, рўйхат рақами 992-сон) ўзгартириш ва қўшимчалар киритилсин ва унинг янги таҳрири иловага* мувофиқ тасдиқлансин.

2. Ушбу қарор Ўзбекистон Республикаси Адлия вазирлигида давлат рўйхатидан ўтгандан сўнг ўн кун ўтгач кучга киритилсин.

Марказий банк Бошқаруви раиси Ф. МУЛЛАЖОНОВ

Тошкент ш.,
2004 йил 13 март,
6/12-сон

* Илова рус тилидаги матнда берилди.

ЎЗБЕКИСТОН RESPУБЛИКАСИ МАРКАЗИЙ БАНКИ БОШҚАРУВИ
ЎЗБЕКИСТОН RESPУБЛИКАСИ ДАВЛАТ БОЖХОНА ҚЎМИТАСИНING
ҚАРОРИ

193 **Жисмоний шахслар томонидан нақд чет эл валютасини Ўзбекистон Республикасига олиб кириш ва Ўзбекистон Республикасидан олиб чиқиш тартиби тўғрисидаги йўриқномага ўзгартишлар киритиш ҳақида**

*Ўзбекистон Республикаси Адлия вазирлиги томонидан 2004 йил
21 апрелда 716-3-сон билан давлат рўйхатидан ўтказилди*

(2004 йил 1 майдан кучга киради)

Ўзбекистон Республикасининг «Валютани тартибга солиш тўғрисида»ги Қонунига мувофиқ Ўзбекистон Республикаси Марказий банки Бошқаруви ва Давлат божхона қўмитаси **қарор қилади:**

1. Ўзбекистон Республикаси Марказий банки ва Давлат божхона қўмитаси томонидан тасдиқланган «Жисмоний шахслар томонидан нақд чет эл валютасини Ўзбекистон Республикасига олиб кириш ва Ўзбекистон Республикасидан олиб чиқиш тартиби тўғрисида»ги йўриқномага (1999 йил 7 май, рўйхат рақами 716-сон — Меъёрий ҳужжатлар ахборотномаси 1999 й., 7-сон) иловага* мувофиқ ўзгартишлар киритилсин.

2. Ушбу қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киритилсин.

Марказий банк Бошқаруви раиси Ф. МУЛЛАЖОНОВ

Тошкент ш.,
2004 йил 24 март,
126-В-3-сон

Давлат божхона қўмитаси раиси Б. МАТЛЮБОВ

Тошкент ш.,
2004 йил 24 март,
01-02/12-18-сон

* Илова рус тилидаги матнда берилди.

ЎЗБЕКИСТОН РЕСПУБЛИКАСИ ЭЛЕКТР ЭНЕРГЕТИКАДА НАЗОРAT
БЎЙИЧА ДАВЛАТ ИНСПЕКЦИЯСИ
ЎЗБЕКИСТОН РЕСПУБЛИКАСИ ИЧКИ ИШЛАР ВАЗИРЛИГИ ЁНГИН
ХАВФСИЗЛИГИ БОШ БОШҚАРМАСИ
ҚАРОРИ

194 Энергетик корхоналар учун ёнгин хавфсизлиги қоидаларини тасдиқлаш ҳақида

*Ўзбекистон Республикаси Адлия вазирлиги томонидан 2004 йил
22 апрелда 1341-сон билан давлат рўйхатидан ўтказилди*

(2004 йил 2 майдан кучга киради)

Ўзбекистон Республикаси электр энергетикада назорат бўйича давлат инспекцияси ва Ўзбекистон Республикаси ички ишлар вазирлиги ёнгин хавфсизлиги бош бошқармаси Низомига мувофиқ **қарор қиламиз:**

1. Илова* қилинаётган «Энергетик корхоналар учун ёнгин хавфсизлиги қоидалари» тасдиқлансин.
2. Ушбу қарор Ўзбекистон Республикаси Адлия вазирлигида давлат рўйхатига олингандан сўнг ўн кундан кейин кучга киради.

«Ўздавэнергоназорат» инспекцияси бошлиғи Б. ТЕШАБОЕВ

Тошкент ш.,
2004 йил 12 март,
107-сон

**Ички ишлар вазирлиги ёнгин хавфсизлиги Бош бошқармаси
бошлиғи А. ҚЎЛДОШЕВ**

Тошкент ш.,
2004 йил 12 март,
29/9-120-сон

* Илова рус тилидаги матнда берилди.

ЎЗБЕКИСТОН РЕСПУБЛИКАСИ ДАВЛАТ БОЖХОНА ҚЎМИТАСИНING
ҚАРОРИ**195 Т-6 шаклидаги божхона декларациясини тўлдириш
ва расмийлаштириш тартиби тўғрисидаги йўриқно-
мани тасдиқлаш ҳақида**

*Ўзбекистон Республикаси Адлия вазирлиги томонидан 2004 йил
23 апрелда 1342-сон билан давлат рўйхатидан ўтказилди*

(2004 йил 3 майдан кучга киради)

Ўзбекистон Республикаси «Давлат божхона хизмати тўғрисида»ги Қонунининг 6-моддасига ва Божхона кодексининг 90-моддасига (Ўзбекистон Республикаси Олий Мажлиси Ахборотномаси, 1998 йил № 2, 36-модда) мувофиқ, Давлат божхона қўмитаси **қарор қилади:**

1. Т-6 шаклидаги божхона декларациясини тўлдириш ва расмийлаштириш тартиби тўғрисидаги йўриқнома иловага* мувофиқ тасдиқлансин.
2. Ушбу қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киритилсин.
3. Мазкур қарорнинг ижросини назорат қилиш Давлат божхона қўмитаси раиси ўринбосари С. Насиров зиммасига юклансин.

Давлат божхона қўмитаси раиси Б. МАТЛЮБОВ

Тошкент ш.,
2004 йил 24 март,
01-02/12-19-сон

* Илова рус тилидаги матнда берилди.

Ўзбекистон Республикаси
Адлия вазирлиги маълум қилади:
вазирликлар, давлат қўмиталари ва идораларининг
умумий мажбурий тусдаги меъёрий ҳужжатларини давлат
рўйхатидан ўтказиш ҳолати тўғрисида
2004 йил 17 апрелдан 23 апрелгача бўлган маълумот

1. Давлат рўйхатидан ўтказилди:

1. «Аудиторнинг малака сертификатини бериш тартиби тўғрисидаги низомга ўзгартириш ва қўшимчалар киритиш ҳақида» *Ўзбекистон Республикаси Молия вазирлигининг 2004 йил 26 февралдаги 34-сон буйруғи.*

2004 йил 19 апрелда 977-1-сон билан рўйхатдан ўтказилди (2004 йил 29 апрелдан кучга киради).

2. «Радиация натижасида келиб чиқиши мумкин бўлган касалликлар рўйхатини тасдиқлаш тўғрисида» *Ўзбекистон Республикаси Соғлиқни сақлаш вазирлиги, Меҳнат ва аҳолини ижтимоий муҳофаза қилиш вазирлигининг 2004 йил 27 февралдаги 4, 75-сон қарори.*

2004 йил 19 апрелда 1340-сон билан рўйхатдан ўтказилди (2004 йил 29 апрелдан кучга киради).

3. «Марказий банк томонидан тижорат банкларининг ички аудитига қўйиладиган талаблар тўғрисидаги низомга ўзгартириш ва қўшимчалар киритиш ҳақида» *Ўзбекистон Республикаси Марказий банки бошқарувининг 2004 йил 13 мартдаги 6/12-сон буйруғи.*

2004 йил 20 апрелда 992-1-сон билан рўйхатдан ўтказилди (2004 йил 30 апрелдан кучга киради).

4. «Жисмоний шахслар томонидан нақд чет эл валютасини Ўзбекистон Республикасига олиб кириш ва Ўзбекистон Республикасидан олиб чиқиш тартиби тўғрисидаги йўриқномага ўзгартиришлар киритиш ҳақида» *Ўзбекистон Республикаси Марказий банки бошқаруви, Давлат божхона қўмитасининг 2004 йил 24 мартдаги 126-В-3, 01-02/12-18-сон буйруғи.*

2004 йил 21 апрелда 716-3-сон билан рўйхатдан ўтказилди (2004 йил 1 майдан кучга киради).

5. «Энергетик корхоналар учун ёнғин хавфсизлиги қоидаларини тасдиқлаш ҳақида» *Ўзбекистон Республикаси Электр энергетикада назорат бўйича давлат инспекцияси, Ички ишлар вазирлиги Ёнғин хавфсизлиги бош бошқармасининг 2004 йил 12 мартдаги 107, 29/9-120-сон қарори.*

2004 йил 22 апрелда 1341-сон билан рўйхатдан ўтказилди (2004 йил 2 майдан кучга киради).

6. «Т-6 шаклидаги божхона декларациясини тўлдириш ва расмийлаштириш тартиби тўғрисида йўриқномани тасдиқлаш ҳақида» *Ўзбекистон Республикаси Давлат божхона қўмитасининг 2004 йил 24 мартдаги 01-02/12-19-сон қарори.*

Ўзбекистон Республикаси Қонун ҳужжатлари тўплами, 2004 й.

2004 йил 23 апрелда 1342-сон билан рўйхатдан ўтказилди (2004 йил 3 майдан кучга киради).

II. Давлат рўйхатидан ўтказилиши лозим эмас:

1. «Қаттиқ маиший-рўзғор чиқиндилари учун полигонларни лойиҳалаштириш ва улардан фойдаланиш бўйича йўриқномани тасдиқлаш тўғрисида» «Ўзкоммунхизмат» агентлиги бош директорининг буйруғи.

Мазкур ҳужжат Адлия вазирлиги билан келишилган ҳолда техник ҳужжат деб топилди. У белгиланган тартибда кўрсатилган идора томонидан тасдиқланиб, кучга киритилиши мумкин. Давлат рўйхатидан ўтказилиши лозим бўлмаган меъёрий ҳужжатларда амалдаги қонун ҳужжатларига зид қоидалар бўлмаслиги лозим.